



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gvilielmi Becani E Societate Iesv Idyllia Et Elegiae

Becanus, Gulielmus

Antverpiae, 1655

Elegia De Regno A Serenissima Christina Svecorvm Regina Deposito,
Eivsque In Pacem Stvdio.

urn:nbn:de:hbz:466:1-12773

177
ELEGIA
DE REGNO
A SERENISSIMA
CHRISTINA
SVECORVM
REGINA
DEPOSITO,
EIVSQVE IN PACEM
STVDIO.



*VI modo Christinam nec regia sce-
ptrā tenentem,
Nec dantem populis pristina iura
vides,*

*Falleris ex illo motam si culmine censes,
Quo nuper terris suspicienda fuit.
Altius euexit sese, dum summa reliquit.
Auxit, quo visa est se spoliare, decus.*

* 5

Nancisci

*Nancisci regnum, minus est quàm ponere. Sortis
Nancisci, magna ponere mentis opus.
Et genus, & faciunt, ut nanciscare, parentes ;
Omnis, si ponas, laus tribuenda tibi.
Carolus Austriades posuit. tam grande, nouúmque
Exemplum terris Belgica nostra dedit.
Post victos reges, post mundi extrema subacta,
Hac illi de se palma relata fuit.
Herois Christina premit vestigia tanti,
Nec curat tritâ regibus ire viâ.
Cúmque nihil Carolo maius, quàm possit haberi
Maximus, hac illi proxima parte fuit.
Ille satur rerum poterat laudúmque videri ;
Implerat famâ solis utramque domum:
Flore vicens aui, dum mentes acrius vrit
Gloria, se regnis exiit illa suis.
Carolus extremos successibus auctus ad annos
Vlteriùs vix quò progredetur, erat :
In medio cursu rerum ac splendore suarum
Destitit illa viam, quam dabat aura, sequi.
Sceptra gerant alij fame adiumenta paranda,
Splendorémque sui nominis inde petant :*

In decus ipsa suum sibi sufficit: ipsa theatrum,
Materies laudam est ipsa futura sibi.
Spernit, emi pretio quouis benè quæ putet alter:
Regna nihil dignum, quo teneatur, habent.
Nec tamen exempta est magnorū ex ordine regum
Nec petit hos inter non sibi iure locum.
Regia res virtus. regnat qui præditus illâ est,
Plûsque aliquid, possint quàm dare sceptrâ, tenet.
Regia res animus rerum contemptor, humiūque
Exosus, liber, sufficiensq; sibi.
Esse putes regem, cuius plebs audiat omnis
Iussa, cupidinibus seruiat ipse suis?
Quem frangat luxus, dolor obruat, asperet ira,
Ambitio dominum non sinat esse sui?
Esse putes regem, fortunæ qualibet aurâ
Qui ventis acta more feratur aquæ?
In solio curas humiles qui verset, & uno,
Quàm populus, studeat celsior esse loco?
Rex ille est, quem sceptrâ super iuuat atque coronas
Altiùs humanis exseruisse caput.
Casibus, & sorti quidquam debere recusat,
Nec tum, cùm deerunt cunèta, futurus inops.
Subdere

Subdere se vitis nescit, collumque pudendo,
Instar habet lethi, supposuisse iugo.
Hoc sibi dimissa regnum Christina coronam
Vindicat: hoc nullo depositura die est.
Parcite prima manu mundi qui sceptrum tenetis,
Hac nulli vestrum cedere parte cupit.
Quin gradus est illi, quod vobis culmen honoris:
Sub pedibus, quo vos suspicit orbis, habet,
Vos ostro fulgere iuuet, solioque sedere,
Et populum vestros ante videre pedes:
Vos iuuet imperium terram proferre marique:
Vestra triumphatus sub iuga mundus eat:
Cetera dimisit; sibi se Christina reliquit.
Hoc satis: hoc uno maxima regna tenet.
Vesper ut à vobis leges expectet, & Ortus:
Latius illa domi, quo dominetur, habet.
Pro quo certatis, pro quo conuellitis orbem,
Diraque suscipitis bella, dat illa sibi.
Pectus inexpletum vobis: nil deficit illi.
Mens bona sunt omnes, quas sibi poscit, opes.
Addere vos partis; amat illa relinquere partem:
Mutua vos rapitis: deserit illa sua.

Tu m

Tum quoque, supremas rerum cùm flexit habenas,
 Quasq; datis leges gentibus, illa dedit,
 Cùm tenuit terras, Pontus quas frigidus ambit,
 Suppositasque sibi Menalis urfa videt,
 Florentis regni, fortunatique per illam,
 Quid, præter curam, credidit esse suum?
 Ut modò regnandi procùl est, procùl antè libido
 Abfuit: hoc alijs, non sibi gessit onus.
 Illius est, solis modò quòd non polleat armis,
 Sitq; fero tantùm Suecia Marte potens;
 Quòd cultum & mores miretur, opesq; suorum,
 Atque artes, regio queis viget ulla, colat.
 Illius est, primis quod cum regionibus Arctos
 Certet, ab ingenio dissideatq; suo;
 Facta quod Europæ sit pars illustris, amicam
 Quam regum quiuis optet habere sibi.
 Nec populo contenta suo fecisse benignè,
 Complexa est curis extera regna suis.
 Cùm foret assuetus palmis exercitus illi,
 Sponderent belli non nisi fausta Duces,
 Militibus campos completeret, classibus aquor,
 Pax placuit, pacem Rhenus & Albis habent.

Fulmen

*Fulmen erat belli genitor ; cūm posset eādem ,
Querere diuersā maluit arte decus.
Atque utinam quā nunc Germania gaudet , eādem
Numina permittant nos quoque sorte frui !
Nulla salus bello , redeat pax optima rerum.
Splendidior nullus pace triumphus erit.*

